

BON DIA *Aruba*

Diasabra 3 di Oktober 2015 www.bondia.com Email: noticia@bondia.com Tel: 582-7800 Fax: 582-704

Gobernador a ricibi “Appel di Enseñansa”



ORANJESTAD- Den cuadro cu Luna di Enseñansa na unda ta enfoca riba importancia di e trabao di e docente, Minister Michelle Hooyboer-Winklaar a bishita Gobernador di Aruba, Freddy Refunjol, pa entrega su persona e appel di Enseñansa y asina enfatisa riba e importancia di esunnan cu ta para dilanti di klas pa educa nos muchanan y haci di nan ciudadanonan ehemplar.

E gesto ta a yega na nos gobernador ya cu e tambe tabata un docente y sa e importancia di educa, di siña y reconoce balornan cerca esunnan cu ta e futuro di nos pais. Gobernador Freddy Refun-

jol a para 13 aña dilanti di klas dunando gran parti di su inspiracion na hobennan y a fungi como cabesante di Heilig Hart College, cual awor ta conoci como Colegio Sagrado Curason pa 5 aña largo. Minister Michelle Hooyboer-Winklaar a declara october como Luna di Enseñansa y ta poniendo un énfasis y enfoke grandi riba esunnan cu ta brinda enseñansa durante di e luna aki. Durante su bishita na gobernador e mandatario encarga cu Enseñansa a elabora riba cambionan y programanan cu ta pa wordo realisa den Enseñansa na Aruba.

Dia 5 di october ta Dia Internacional di maestro.

“E trabao di maestro kisas no por wordo midi completamente pero si por wordo apreciar totalmente.” Minister



Michelle Hooyboer – Winklaar a bisa.

Minister Michelle Hooyboer-Winklaar ta invita comunidad di Aruba pa subi e website www.ea.aw y nomina e persona cu Bo ta haya ta merece un Appel di Oro. E premio Appel di Oro ta reemplaza e premio cu a wordo duna pa cinco aña consecutivo, esta Maestro di Aña; e ta

incluir mas categoria.

Minister Michelle Hooyboer-Winklaar ta sigui cu su recordo y lo sigui entrega e “E Appel di Enseñansa” na tur docente na Aruba pa asina duna reconocimiento pa nan incansabel trabao y nan sosten pa cu adelanto y progreso di nos pais a traves di educacion di alumnonan.